

宋

會

要

教授

宋會要

紹興三十二年孝宗即位未改元七月八日詔宗室及第人今後不許陳乞注授教授乾道八年五月六日權尚書吏部侍郎韓元吉言今歲黃定榜內應舉宗子趙師烜係第一甲第十六名進士及第竊詳殿試第一甲依格合注授教官即與其他宗室有出身事體合稍優異欲乞將宗室及第殿試第一甲應格之人許集注教官差遣外餘並不許陳乞及注授詔從之前降紹興三十二年七月指揮更不施行八月二十四日有旨信陽軍教授可罷見任人許令終滿願罷者聽已差下人休省罷法以荆湖北路諸司奏其極邊教官無職事故也十月四日詔復置泰州教授先是淮南並罷教授至是知泰州劉祖禮狀竊見揚州教授已存留本州係次邊比揚州事體一同乞特賜存留故詔從之孝宗隆興元年十月二十日武崗軍綏寧縣申從義郎權綏寧縣管界都巡檢充七洞都首領楊成等狀叙陳乞依徐時邁體例差建寧府進士李大年充本軍綏寧等縣新學教授候徐時邁年滿日便行供職訓誘溪洞生員下詔特依所乞十二月十二日有旨武岡軍綏寧縣新學教授徐時邁依詹木李申劃補上州文學既而兼中書舍人馮騏奏據武岡軍徐時邁以進士教夷人

援崇寧政和指揮補上州文學武岡軍狀內稱崇寧政和間補磨木李申  
係教導及三年今徐時邁於紹興三十一年十一月方承指揮差充教導  
至保明日未及二年又自政和三年以後不曾補官其紹興三十一年指  
揮亦無許補官之文崇寧政和指揮本部法令之所不載若與放行無以  
杜絕僥倖之門有旨前降指揮更不施行乾道二年三月二十四日詔有  
出身選人曾任縣令終滿無遺闕初改官方許授教官如不曾任縣令並  
令依薦舉人先注知縣差遣 六月四日詔今後諸州教授不得理作實  
歷親民資序其餘堂除差遣並依選任法許理當實歷親民資序 臣僚  
上言伏觀五月二十六日詔今後諸州教授不得理作實歷親民資序修  
入闕陞條當日又承都省劄子考功供到契勘知縣資序人闕陞通判除  
堂除官觀獄廟不許理當實歷親民外其餘堂除差遣並依選任法許理  
當實歷親民闕陞通判資序契勘國家立法當要昭如日月信若四時使  
一定而不易今來聖旨指揮教授不得理作實歷親民資序而考功供到  
選任法堂除差遣許理作實歷親民萬一將來有堂除教授備陳乞闕陞  
猾吏欲不令闕陞則引用五月二十六日指揮欲使之闕陞則引用選任  
法除理作實歷如此則國家立法通所以為猾吏舞文乞取之資用欲望

睿旨裁定施行故有旨於元降指揮內添入其餘堂除差遣並依選仕法  
評理當實歷親氏資序 五年五月七日詔復置真州教授從前知真州  
張郊請也 八月十二日通州無為軍各復置教官一員 九月十七日  
詔劍州教授今後堂除以利州路轉運判官梁蓋言劍州藩邸舊領已陞  
普安軍乞依節鎮例堂差也 六年六月二十六日詔總慶府教授堂除  
差人 以本府言舊係康州建炎元年陞為府乞依節鎮例堂差故有是  
命 七年七月十二日詔復置和州教授一員 以本州州學正何市等  
乞依通州真州無為軍已得指揮復置也 二十一日詔復置房州教授  
一員從轉運司請也 八年五月十七日詔復置廬州教授一員從淮西  
安撫司請也 先是宰執進呈虞允文等奏曰州縣因闕官以致廢事亦  
多有之近日有數郡守臣乞復置判官司戶之類上曰諸州教授猶已復  
置今未復者亦當復之虞允文等奏曰容具上員闕取旨施行故悉復之  
六月三日詔復置隨州教授以本州乞依真州房州已得指揮復置也  
十一月十一日詔諸州軍將歸正士人許與本貫士人混同補試入學  
聽讀不得非理邀阻 京西運判張揀奏歸正士人乞照已降指揮中嚴  
行下許於所居州縣赴學破食聽讀禮部勘會依條諸路進士入學聽讀

係赴補試考中合格方行入學聽讀今來若徑令入學破食即恐士民混雜敗壞規矩故有是命 十六日詔成茂金鳳西和文龍州大安軍並復置教授 先是左通直郎前階州州學教授母丘惇劄子乞將四川昨來所罷教授去處依兩淮例並與依舊復置其差注依見行條法施行送四川宣撫使司相度申尚書省本司契勘除潼川府夔州兩路元無廢罷教授員闕外有成都府路威茂二州并利州路金鳳綏和文龍州大安軍六處自乾道之初廢罷教授共止八員所省廩俸不多雖差有出身官兼權各緣職守相妨或因事罷去或州軍見任職官並係無出身之人不免逐旋差官權攝曠廢學校有失朝廷崇用儒術敦尚教化之意故有是命 九年十一月二十四日吏部言近承指揮堂除教授五十闕並令吏部便闕本部宜從尚書左選教授格法選注曾試中詞舉兼茂科曾試中內外學官先學官次教官殿試第一甲及曾試上舍上十名轉運司類試第一名舊法大學上舍或公試上三名國子監開封府取解上三名曾仕太學辟廡宗學官為等次並不限資序名次考任年甲過犯並先注應格數均之人即以應格高下差注若限內無應格之人依舊再榜半月又無應格人雖磨勘改官唯注 縣亦許資次依大學舊法曾陞補內舍人次曾仕

教授經任人次進士上舍出身并三十以上曾歷任人所准撥下堂除教  
授等員闕今欲將格內自曾任太學辟廱宗學官以高下等應格之人兩  
選同日通注外其不應格法人即先令尚書左選差注候滿一月方許通  
差選人施行若同日有官指射即先差承務郎以上官有旨依 淳熙元  
年四月十六日詔桂陽軍三縣應有蠻峒去處令差人入峒說諭首領擇  
其可教子弟前來軍學聽讀依在學生員例每月支破錢米養贍 知桂  
陽軍徐涓言本軍管下三縣各有溪峒蠻姪緣素不知書縱畧識字亦莫  
曉義理由是好慕喜亂臣親訪徭人見其言峒中亦有子弟讀書但無訓  
導之人乞令擇可教子弟發遣前來州軍學聽讀選有學行士人專一教  
導使稍知理義即還歸轉相教訓化頑為良故有是命 二年二月二十  
七日詔滁楚二州復置教授六月二十日詔武岡軍溪峒子弟能向學人  
許入軍學聽讀將來願應舉人令與本軍士人通用本軍解額取放 三  
年四月三日詔臨安府府學學正錄三名該遇太上帝慶壽並特與免  
文解一次餘大小職事學生等各賜束帛有差十年十二月太上皇后慶  
壽月四年正月十一日詔自今學校策試必以時務發為題目詳見貢舉  
七年三月二十六日詔省威茂兩州教授 六月四日詔郴州宜章縣桂

陽軍臨武縣並置學從知桂陽軍徐大觀及帥臣平奔疾請也八年二月五日詔高郵軍使真陽通泰滁楚例復置教官 熈寧三月二十七日詔臨安府府學學生實補試中在籍之人從教授保明指實委無偽冒申州勘會給據比類諸州待補太學生許赴太學補試一次即不得用府學遺籍等人 四月十三日詔武岡軍許復置教授 十一月二十九日詔南康軍復白鹿洞書院所有陳乞經書具數行下令國子監印給以知南康軍朱熹言太宗皇帝嘗因江州守臣周述之奏詔以國子監九經賜廬山白鹿洞書院既又以其洞主明起為蔡州襄信縣主簿以旌儒學書院故基正在本軍星子縣界而陳舜俞廬山記又載真宗皇帝咸平五年嘗教有司重加修繕今即故基為小屋二十餘間教養生徒一二十人但其教額官書皆燒燬散失望降勅命仍舊以白鹿洞書院為額仍詔國子監印造太上皇帝御書石經及板本九經注疏論語孟子等書給賜詔養士一二十人令本軍隨宜措置所有經書具數行下 九年八月四日詔省減靖州教授一員見任人許終滿已差下人依舊罷法從荆湖北路提點刑獄公事周嗣武請也十年十一月十八日詔自今教授依州縣官例任滿方許赴部改官從臣僚請也紹熙元年六月二十四日臣僚言今者臣僚有

此條移前九年  
八月四日

請乞能待補甚當物論但其引用紹興間高閔申請尚賈商榷臣竊有愚  
見州學每歲自有春秋兩補但於太學放試年分先期收補隨其士人多  
寡令監司之主學事者於隣郡添差考官若干員不唯考校差精而出題  
考卷互相檢束亦莫得行其私意若其所取名數只依逐州待補元額以  
其中選者申州保明給據赴太學補試其它一無所更張豈不簡且便哉  
欲望行下禮部國子監與近日臣僚所請一就着詳從長措置庶為永久  
之利實天下士子之幸從之 五年正月十一日慶壽赦臨安府府學正  
錄並依淳熙十年十二月三十日已得指揮推恩仰所屬保明委實合推  
恩人姓名開具應得恩數聞奏學生并有官學生各倍賜束帛小學府學  
生各賜束帛 淳熙八年輔臣進呈湖南安撫轉運司申郴州宜章縣桂  
陽軍臨武縣雖與溪峒接壤實國家省民欲重恢鄉校招誘溪峒子弟入  
學訓導上曰開設學校使強暴子弟知有禮義庶幾移風易俗詔從之



宋會要 武舉

真宗咸平三年五月十三日詔兩制館職詳定武舉武  
選入官資序故事 五年十月四日以應武舉進士王  
淵為海州懷仁縣主簿 仁宗天聖七年閏二月二十  
三日詔置武舉應三班使臣諸色選人及雖未食祿實  
有行止不曾犯贓及私罪情輕者文武官子弟別無負  
犯者如實有軍謀武藝並許於每尚書兵部投狀乞應  
上件科先錄所業軍機策論伍首上本部其未食祿人  
召命官三人委保行止委主判官看詳所業閱視人材  
審驗行止試一石力弓平射或七斗力弓馬射委實精

熟者在外即本州長史看詳所業開視人材行止弓馬  
如可與試即附遞文卷上兵部委主判官看詳如委實  
堪召試即具名聞奏當降朝旨召赴闕差官考試武藝  
并問策一道合格即從試其逐處看詳官不得以詞理  
平常者一例取旨如違必行朝典仍限至十月終已前  
先具姓名申奏到闕 十月二十三日判兵部馮元言  
應武舉人除策論外當部無弓馬試射之處欲俟考定  
詞理稍堪人材有行止者牌送馬軍司引試如弓馬精  
熟堪與召試即具聞奏如詞理平常人材小弱曾有賍  
犯弓馬不精先次落下從之 八年五月二十五日命  
龍圖閣待制唐肅直集賢院胥偃試武舉人于秘閣

後

與制科

同開

六月四日詔應武舉人令內園使內侍右

班都知楊珍等於軍器庫試弓馬自後命入試二十三

日帝御崇政殿親試武舉人以張建侯楚宏並補三班

奉職劉翊胡遠崔道並補三班借職李固孟淵丁問並

補三班差使陳異等六人策不入等射不中格並落下

文獻通考宋有武舉武選咸平時令兩制館閣詳定入

官資字故事而未嘗行仁宗天聖八年親試武舉十二

人先閱其藝九年五月九日帝御崇政殿試武舉人以

射而後試之李瞻等補三班借職明道二年十一月十六日尚書

兵部言准中書批送應武舉進士史詢張存狀昨天聖

八年六月中御試下第乞比類貢院舉人免取文解令

取接文狀來審合投下文字為復與免考試詔與免馬

軍司試武藝 景祐元年二月四日詔應進士諸科取  
解不獲者不得應武舉 六月二十三日帝御崇政殿  
試武舉人以許思純鄭賓借職李良臣並策不入等武  
藝中格並補三班奉職王安仁李宗良成傑張睿策第  
五等馬射不中格並補三班借職鄭旦劉稷臣勾宗諤  
策不入等馬射生疎並補殿侍三班差使史詢張存與  
下班殿侍樊純段儀劉翹不中選 三年五月十六日  
帝御崇政殿召輔臣觀新知廣信軍洛苑使端州刺史  
趙振所上陣圖振男右班殿直珣奉職瑜呈試武藝左  
右馳射括雙箭蹶彊弩繫劍槩稍凡二十七技中選八  
九帝悅稱善詔振升殿策問方略珣補閣門祗候瑜右

班殿直

六月一日樞密院言閣門祇候本侍邊要任

使比來所舉未允衆望欲令近臣各舉一員擇官試驗

須弓箭步射九斗馬射七斗為合格仍送三班量策邊

事具上能否而臨軒復試馬從之

文獻通考景祐四年韓億言武臣宜知兵

書而禁不得傳請募其要以授之於是出神武秘略以授邊臣

寶元三年二月十八

日詔自今武舉人程試並以策問定去留弓馬定高下

餘依兵部舊制考校其合格舉人除官後並免監臨只

差沿邊任使如三班差使殿侍以下即與指使及捉賊

差遣其馬軍司軍器庫所試射弓並用寶石斗為定不

得用加數斗

康定元年三月四日詔自今文臣換武

職及試中武藝之人並遣赴陝西任使觀其才用

九

月二十七日命翰林學士丁度西上閤門使李端愿內  
侍省押班藍元用同共試驗武藝仍仰三班院殿前馬  
步軍司曉示使臣及諸軍班將校兵士如實有武藝精  
彊膽勇敢戰謀慮出衆者許經試驗官自陳當與揀擇  
初范仲淹請令官軍武臣選諸軍班材武人故有北制  
及度寄校試差為五等中選者百八十一人 慶厯二  
年八月九日帝御崇政殿試武舉人以金景先等三十八  
人武藝次第授官十一日陳院張方平言武舉中選人  
請除京東捉賊從之 六年八月十八日帝御崇政殿  
試武舉人以王梁等三人補奉職俞獻臣十七人茶酒  
班殿侍三班差使顏處約七人下班殿侍又以三班借

職張問為奉職

文獻通考慶歷六年策武舉馬為高下

七

年十二月二十七日詔自今策試武舉人毋得問陰陽

諸禁書 皇祐元年八月二十五日帝御崇政殿試武

舉人以何景略補三班奉職李勣之等四人補借職王

梁等十七人補三班差使殿侍戴挺等十六人補茶酒

班殿侍曹基等九人補下班殿侍並邊上差使 九月

五日詔曰國家採唐室之舊建立武科每隨方聞之詔

並舉勇略之士條格之設歲序已深然而時各有宜今

異於古今籍之衆既以拔力日奮於行伍之間武弁之

流又用其韜鈴自進於軍旅之任來應茲選殆稀其人

如聞所隸習者率逢掖諸生編戶年少以至捨學業而

事籌策矯溫淳而務麗猛紛然相効為之愈多朕方恢  
隆文風敦厚俗尚一失其本恐陷末流宜罷試於兵謀  
俾專繇於儒術尚慮積習具久頓更為難就其等倫裁  
為規制其將來科場武舉人曾經祕閣考試者即許投  
下文字外更不許新人取應以後科場令罷武舉一科  
五年八月二十五日帝御崇政殿試舉人以董君平  
補三班奉職韓琳侯奭補借職戴挺等五十一人補三  
班差使殿侍臧昌齡等七人補下班殿侍並還上指使  
前詔罷武舉今所擢  
者皆祕閣經試舊人嘉祐八年十月八日樞密院言文  
武二選所聞治亂不可闕一與其任用不學無術之人  
臨時不知應變以撓師律不若素習韜略頗閑義訓之



士緩急驅策可以折衝圖勲況今朝廷所用武人稍有  
聲稱者由武舉而得則此舉不可廢罷甚明詔尚書兵  
部與兩制詳議所舉舉業及較試舉人推恩之數條件  
以聞 英宗治平元年三月二日翰林學士王珪等言  
恭詳復置武舉除依舊制欲乞較試以策略定去留以  
弓馬定高下其間以策略武藝俱優者為優等策藝平  
者為次優藝優平者為次等策藝俱平者為末等如策  
下藝平或策平藝下者並為不合格朝廷既設此科必  
欲招來豪俊推恩命官直稍優厚欲望中優等者與殿  
直次優者與奉職次等者與借職末等者與殿侍三班  
差使如有策略雖下而武藝絕倫者未得落下別取

其已有官人並於舊官上比類推恩仍並與三路沿邊  
差遣試其効用詔可仍令後武藝差直學士已上或正  
任或橫行使各一員與軍頭司共試驗 二十一日翰林  
學士賈黯言近詔復試武舉臣愚以為如果欲得智  
勇武幹之人則於韜略孫吳司馬兵法或經史事涉兵  
機者取為問目以能用已意或引前人注說解釋義理  
明暢者為通從之 四月九日詔令諸路都總管安撫  
鈐轄司凡以武藝求薦依三等格考試以聞候到闕覆  
驗及上等<sup>者</sup>弓步射二石弩踏四石五斗力以上更兼別  
事藝三般以上者如並中補借職中等弓步射一石七  
斗弩踏四石力以上更兼別事藝三般以上者如並中

補差使殿侍下等弓步射一石五斗弩踏三石五斗力  
以上更兼別事藝三般以上者如並中補披帶班殿侍  
如只有弓或弩中書取旨安排不中者於逐便已仕比  
類陞擢 六月十五日樞密院言近復武舉除已定條  
約外有未備事節其武舉並隨科場開設應武舉人不  
拘食祿子孫并已仕未仕人等內已仕人不曾犯贓及  
私罪情輕者未仕人別無負犯並許奏舉在京委管軍  
臣僚及正任橫行使副使知雜及三院御史諫官省府  
推判官府界提點朝臣使臣在外委安撫轉運判官提  
點刑獄知州軍及路分總管鈐轄都監具所業人材行  
止堪應上項科舉於十一月三十日以前各具保明聞

奏人得奏舉一名於十二月終令兵部類聚申奏次年  
二月初差館職二人試策考定等闕送馬軍司試弓馬  
訖却送兵部叅校名聞從之 八月十九日樞密院言  
近復置武舉所策略定去留弓馬定高下弓步射一石  
一斗力馬射八斗力各滿不破體及使馬精熟策略武  
藝俱優者為優等與右班殿直弓步射一石一斗力馬  
射八斗力各滿但一事破體及使馬生疎策藝優平者  
為次等與奉職弓步射一石馬射七斗力各滿不破體及  
使馬精熟藝優策平者為次等與借職弓步射一石力  
馬射七斗力各滿但一事破體及使馬生疎策藝俱平  
者為末等與茶酒班殿侍三班差使弓射二石力弩踏

五石力射得策略雖下而武藝絕倫者未得黜落別候

取旨凡頭偃為破體詔可二年九月十四日帝御崇政

殿試武舉人以康修等七人遷左侍禁餘邊補三班借

奉職下班殿侍三班差使以上國朝會要通鑑續編

舉治平四年十二月十一日知諫院吳申言延州應武

舉李巖夫試策中第一等弓馬不中再試中第二等弓

馬不係奏名巖夫對策理有可採伏乞特授一官與沿

邊差遣詔與茶酒班殿侍郎延路指揮使熙寧元年

十一月十八日南郊赦昨復武科特新選法如聞三路

頗有遺材應河北河東陝西臣僚今後當舉奏武舉人

者路分都總管副都總管各委舉三人轉運使副提點

刑獄路分鈴轄勾管路分軍馬各三人餘依舊制仍須  
是本路土著不得以游士寄貫人固冒充數 二年七  
月二十八日詔今後三路知州軍舉到武舉本路土著  
人 三年八月二十三日翰林學士司馬光言奉敕考  
試武舉人而法當先試弓馬若合格即試策略緣弓馬  
者選士卒之法非所以求將帥者也不幸而不能挽彊  
馳突則雖有策略將帥之材不得預試恐非朝廷建試  
武舉人之意況試弓之法挽與杷齊猶不應格自今欲  
乞試優策并挽弓及杷者皆聽就試中書請如舊制上  
批相度卒如中書所奏 九月一日詔秘閣考試所應  
就試舉人所取合格不得過五分 十八日上御崇政

殿策武舉進士以右侍禁康大同為左侍禁借職王衷  
為右班殿直殿侍孟永吉為借職奉職高興宗減二年磨  
勘餘二十二人各隨試等補奉職借職茶酒班殿侍三班差  
使仍並與三路沿邊差遣 十二月十二日三班院言  
據殿直雷珣狀乞試六韜孫吳三家兵書義理十道仍  
乞射弓彘試義理十道內二粗二否六道及考試到弓  
馬并條貫脚色以聞詔免短使權邊寨監押巡檢理監  
當資序吏驛料一任回依武舉人例差注三班使臣乞  
試兵書自珣  
始 五年六月二十七日樞密院請復置武學詔選文  
武官知兵者充教授凡使臣未參班并門蔭草澤人並  
許召京官兩員保任先試驗人材弓馬應武舉格者方

許入學願試陣隊者量給兵伍隸習在學及三年則具  
藝業保明考試與等第班行安排未及格者逾年再試  
中三班使臣與三路巡檢監押寨主白身試中與經略  
司教押軍隊準備差使三年無遺闕與親民巡檢如至  
大使臣歷任中無贓罪杖以上及私罪情理輕者令兩省  
或本路鈐轄以上三人同罪保舉堪將領者並與兼諸  
衛將軍外任迴歸環衛班闕以尚書兵部郎中韓縝判  
學內藏庫副使郭固同判賜食本錢萬緡 七月五日  
詔武學生員以百人為額遇科場前一年委樞密院選  
武臣路分都監及文臣轉運判官以上各降宣命令奏  
堪應武舉人具所業人材行止保明聞奏其被舉人遇



生員闕願入學者聽仍免試生員及奏舉白身人應舉  
其不得過二百人其今年武舉並依舊法保舉後次武  
舉即從今來新法文武舉並依舊法保舉後次武  
為教聽臣未參班與門套草澤人召京官保任人村  
弓馬聽臣未參班與門套草澤人召京官保任人村  
兵成敗前在學三年具藝以訓者講之願試陣隊者  
量給兵伍試凡試中三年具藝以訓者講之願試陣隊者  
逾年再試凡試中三年具藝以訓者講之願試陣隊者  
有兩省特制或本路鈴轄以上無過三路巡檢寨主未及格者  
兼諸衛將軍外任回歸環衛班關以尚書兵部郎中韓  
鎮判學內藏庫副使郭固同判關以尚書兵部郎中韓  
百人為額科場前一年武入學分都監文官轉運判官以  
百人工各奏舉一人聽免試入學生員及奏舉白身人應舉  
發中或習或使副之策略三十人為額學以八月十七  
業卓然並為優等補工舍以三十人為額學以八月十七  
日樞密都承旨曹孝寬言詳定武臣試格應大小使臣

恩澤奏授得官年及格合出官者並於三等試條各隨所習事藝呈試上等內七事下等內八事有試中一事以上皆為合格等第擢用每年二月八日以前具所應事藝供家狀開坐於審官西院二班院投狀候次月具乞試人數申奏差官同主判臣僚引試內武藝即送武學試外所試兵書大義策畧筭計並依春秋試文臣僚貫訖其等第及封試卷申樞密院看詳如得允當即奏畫依條施行如果試不中或不能就試者於出官合格歲數外更增五年若授官日年已過合格須授官及五年方得依舊條寫家狀讀律訖與出身初任仍且與員處監當如有舉主方得陞入親民無舉主即更展一

任監當如諸般勞績陞入親民者即依舊條熙寧五年以前授官見年十五以上不能就試者候年合格日且依舊條施行從之六年四月二十四日侍御史劉孝孫言武科之設以大義為本叅之策問與明經進士不甚相遠欲依補試入學生員例問大義十道與策問分作三場詔送中書取旨八月二十一日命權御史中丞鄧綰直舍人院許將集賢校理劉攽館閣校勘黃履為考試制科武舉官龍圖閣直學士張燾權樞密副都承旨張誠一同軍器監官考試武舉武藝武舉合格所取無過三十人九月十一日上御崇政殿策試武舉進士同日詔應御試武舉人御藥院初考官撰策題策

入優等武藝優等與右班殿直弓步射一石一斗馬射  
八斗各滿不破體及使馬精熟武藝次優與奉職弓步  
射一石一斗馬射八斗各滿但一事破體及使馬生疎  
武藝次等與借職弓步射一石馬射七斗各滿不破體  
使馬精熟武藝末等與三班差使減三年磨勘弓步射  
一石馬射七斗各滿但一事破體及使馬生疎策入平  
等武藝優等與奉職武藝次優與借職武藝次等與三  
班差使減二年磨勘武藝末等與三班差使 十六日  
賜武舉進士文煥及第注兩使職官熙河路準備差使  
侯抱真而下二十三人授以三班奉職借職差使與沿  
邊差使復賜進士及第為梓潼路察訪司準備差使十

月九日以三班奉職申誦為右班殿直閣門祇候武學  
教授初三班使臣入仕年已及格當調官者雖有試法  
尤草畧至是命立新格程其能否而進退之誦弓馬策  
問皆入高等故特擢之 七年九月二十八日詔三班  
院告示使臣如有能射親弓力八斗以上并熟於使馬  
及輪弄器械者在班人並許經本班投狀乞試俟及十  
人即闕赴軍頭引見司考驗如所陳不妄當議引見在  
外使臣仰經本州軍投狀委知州通判兵官同共試驗  
如中格未得發遣先以聞 十月二十三日樞密院言  
檢會熙寧五年八月曾孝寬詳定大小使臣出官三等  
試格內一項應已歷任及諸色出身不該就試人願試

者候得官替亦許投狀除不許算錢穀并元係軍班及武  
藝出職人更不試武藝弓馬外餘並許乞試詔今後武  
舉使臣更不試策其乞試弓馬人仍於元試中上添斗  
力方許依條收試 八年三月九日中書門下言據武  
學進士王致堯狀伏覩條制武學比科場開設自來進  
士唱名後四五月間方始差官兵部鑠試發解以此致  
進士兩處投下文字失解後旋看兵法權習弓兵馬意  
務苟進就試日多懷匿文字飾以虛辭弓馬不甚精習  
不唯有悞朝廷緩急使用兼使學者不專其業欲乞將  
來武舉與進士同時差官鑠試欲依所請從之 十七  
日詔自今武舉與進士同時差官鑠試 五月詔兵部

應丁憂不曾就試武舉人許就試 七月二十七日詔

武舉人先試孫吳六韜大義共十道為兩場次問時務

邊防策一道限七百字以上成仍與鑠廳人一處考試

馬軍司試弓馬差官監試以試格前後參錯至是裁定 八月七日兵

部言三路臣寮奏舉武舉人並須土著人不得以游士

寄貫充數今來所舉非本路人即有礙條貫欲乞雖係

別路別州有戶貫者並許收試內有因礙非本路土著

本部已牒所舉官更不發遣赴闕者亦乞候後次科場

召保官一員不用舉主許令就試從之 同日別試所

言武舉人試孫吳六韜大義六韜本非完書辭理訛舛

無所考據欲止於孫吳書出義題從之 九月七日別

試所言近據武舉進士宋昇等六人乞射絕倫科弓弩  
尋牒馬軍司試到石力緣策義並在下等不合格未敢  
黜落取所試策義赴中書密院看詳詔候殿試武舉人  
弓馬日引呈 十月十三日武舉言上合生員曹安國  
昨來不預薦名契勘本人未建學已應武舉兩試秘閣  
中選兼元充職掌委實材畧可用欲乞將來依得解人  
例赴秘閣再試從之 十二月九日詔武舉人罷秘閣  
試令止就貢院別試所考試 檢會 十三日中書門下言據  
編修貢舉勅式練亨甫狀 秘閣 考試武舉人所差官吏  
供具煩費昨來應武舉近二百人只就別試所收試 分館所試  
人數至少欲乞只就貢院別試親戚所收試極為利便從



之 九年三月七日上御集英殿策試武舉進士 十  
一日上御崇政殿試武舉人弓馬以郭瑬以下三十一  
人補殿直三班奉職借職差使有差 元豐元年三月  
九日詔文臣在京監察御史裏行在外路諸提點刑獄  
府界提點以上武臣在京閤門副使在外路分鈐轄以  
上各舉堪應武舉一人 十月四日詔兵部以貢舉教  
式內武舉教條再於諸處索文字刪類成武舉教式以  
聞 三年三月十三日上御集英殿策武舉進士 五  
月二十八日詔引試武舉生用促張弓減指箭射兩石  
以上者減一斗 三年六月九日尚書兵部言武舉故  
事隨制科鑠院試昨兩試武舉並隨進士今用新制進

士舉罷方試武舉重復差官於事無補但有浮費與進士同時鑠試為便從之 八月八日詔兩制臺諫至總管監司各舉堪應武舉進士一人以名聞奏 四年正月十二日中書禮房請令進士試本經論語孟子大義論策之外加律義一道省試二道武舉止試孫吳大義及策從之 五年三月十一日詔武舉人御試日馬射 十二日上御集英殿策武舉進士 六年閏六月十二日詔尚書兵部自今後文臣待制三省郎官正言監察御史提點刑獄以上武臣橫行及路分都監以上各舉應武舉一人 七年十一月十一日詔武舉依進士試大義一場第一等取四通第二等取三通第三等取

二通並為中格

從司業翟忠生服新定也

八年五月二十五日武舉

進士趙圖徽等三十九人並賜袍笏銀帶

十一月十六

日詔武舉人犯學規或貢舉法被罪聽依進士量罪等

級叙理從蹇序辰請也

哲宗元祐三年三月十一日

上御集英殿策武舉進士

十六日試武舉進士射藝

于崇政殿推恩補官者十有五人 六年三月十一日

上御集英殿策試武舉進士 十四日三省言武舉絕

倫人辛育等十六人弓應法弩射得與三班借差減五

年磨勘邊上指使差遣依令支賜弓不應法弩射不得

欲且令溫習事藝內借職郭彥卿弓應法欲減二年磨

勘特賜袍帶靴笏從之

五月十一日詔府監貢舉教

紹聖四年  
九穀元之誤

考校武舉內武藝絕倫策義不入等而文理稍可採者  
奏裁一節勿用 紹聖九年正月十八日詔改差禮部  
侍郎孔武仲試得解武舉人武藝 三月十五日上御  
集英殿策試武舉進士 十八日三省言呈試武藝人  
楊達等三十人聽候指揮絕倫人王士言等五人欲與  
三班借差減磨勘五年射不得人且令溫習從之 二  
十四日兵部請增修武舉得解免解舉人等條從之  
同日三省言擬到武舉人推恩策入優等上三人與右  
班殿直四人不與三班差使減磨勘年外并武藝絕  
倫及上舍人各減磨勘年有差從之 二十五日尚書  
省言三班差使顏充狀係省試正奏名據熙寧法武學

已有官人於舊官上比類推恩按充元擬定於合得名  
目外為係差使更減磨勘二年已賜詔可欲更增減一  
年推恩其人優等上三人策入優等第四人以下及策  
入平等入推恩外係差使者更賜減三年磨勘有差從  
之 三年四月十二日詔依熙寧貢舉式諸武舉絕倫  
策義不入等並奏裁 四年閏二月二十五日上御集  
英殿策試武舉進士 二十七日上御崇政殿軍頭司  
引見武舉人張閎等五十六人試武藝張閎等三十三  
人侯指揮劉師中以下二十三人與三班借差減五年  
磨勘邊上指揮仍依令支賜 四月十三日翰林學士  
同知貢舉林希等言應武舉人止試策一道大畧欲乞

依進士試三道詔自今發解省試添試策第一道 十一  
月二十三日兵部言武舉騎步射中程遞陞等策義入  
平等者不陞若騎步射絕倫而策義不應選者不得以  
名聞從之 元符元年二月二十九日兵部言呈試武  
藝人依敕限十二月以前到部有疾故趣限不及期者  
許令次年就試緣其間不無違限冒稱疾病之人若便  
與收試即到部條限徒為空文乞召保官經所屬自陳  
給據保明申兵部驗實許次舉就試從之 徽宗大觀  
元年十月十日詔材武之士騎射應格為上等然絕倫  
之藝世不乏人法未該載深恐失士若文人優等而武  
藝超越可令隨文士歲貢依上舍上等法 二年七月

二十七日詔諸州武士試補與文士別場引試馬射九  
斗三上梁為五分八斗三上梁為四分七斗三上梁為  
三分七斗二上梁為二分七斗一上梁為一分令學制  
局立法改正馬射八斗九斗一上梁二上梁並與理作  
分數從前宿州教四年八月十三日詔學校之法天下  
奉行之初設官屬厚餼廩所以勸勵趨向及今累年頗  
見就緒武舉舊來奏名三十人武學三人許免省試一  
人量材錄用每舉以官者三十四人近以四海之大人  
材之衆令以貢士每三人取一名為上舍增至百人為  
額比舊命官之數計增兩倍積之累年入流頗冗兼近  
者所貢人數不多若寬立額所取既廣不無僥濫况三

人取一名比之文士所取分數大段隔遠可自今後諸路所貢武士試上舍以合格者取十人為上等四十人為中等五十人為下等補武學內舍逐等合格人不足者聽闕餘不入等並充武學外舍一諸州昨因教養武士專以都監窠闕選注武舉呈試事藝及諸軍教頭出身人充委以兼充教導今詳學制教諭聽與武士就學質問七書兵法即不令指教武士弓馬事藝除武學出身人可以通曉七書兵法外其呈試事藝及諸軍教頭豈能通曉不唯於學制違背兼於差注實有妨礙可今後諸州都監許先注武舉及武士上舍出身人兼教諭外餘依近降指揮遵依元豐法差注其教諭闕止委知



通於本州見任使臣內選諳曉七書兵法人保明提舉  
學事司差兼又闕即依大觀三年正月二十五日朝旨  
對移武舉及上舍出身人 九月十四日兵部言禮部  
樞淮大觀四年八月十二日朝旨自今取貢額三分解  
發立為永法其進士免解事務合行依舊外即未審武  
舉有無指揮作進士例發解本部契勘今來即未審武  
舉今後合與不合依進士例為永法若亦合依文士為  
永法其牒官奏舉條令合與不合行使本部契勘今來  
若三分發解為永法額比舊額少有依舊令內舉官職  
任人慮難依舊合行改修緣元豐法後來有增添舉官  
職任人欲乞只依元豐法施行詔依進士例其保舉官

依元豐法 十月十四日兵部言開封府武舉人崔奕  
等狀伏覩今年八月十三日指揮多士悉由鄉校必月  
書季考歲升積久而後至然士無常產久矣事親治家  
單丁自營艱於從學者有遺逸之嘆可自今取貢額三  
分為大比前一年發解許不入學之人及雖入學而係  
退黜者取應奕等元係武學生止以侍親治家貧窶不  
贍難以守學遂致除籍今乞明降指揮許奕等依前項  
指揮許將來於大比前赴部投納家狀收試看詳欲乞  
將今日已前應元係在武學因請假落籍不在學及退  
黜之人非因犯罪屏斥別無違礙者今經國子監自陳  
勘會詣實申部依已降指揮許今來年取應從之 政

和元年正月二十六日大司成張邦昌等言奉御批學  
制局劄子將分撥到五路諸科解額二分一百三十人  
并州學解額八十人充京畿等諸路武士貢額今諸路  
以指揮到日在學人數每十五人五路每十四人貢一  
名尋取會修立到諸路武士貢額共一百六十九人兵  
部具到已得朝旨武學依文士存留科舉三分許在學  
三舍生并曾經在學已除籍人取應并於貢額內除豁  
三分永充解額看詳大觀二年武舉依進士三分科場  
係於武舉舊解額八十人內取二十四人今來若依兵  
部符令本監於見立到一百六十九人數內除豁三分  
即是合取五十一人比之前三分發解計增一倍以上

顯屬太優兼虧損天下貢額亦慮未便今來欲於舊解額八十人數內除豁三分以充武貢發解額武舉既已降指揮依進士例在學武士不合取應緣今次未有奏舉人欲依文士許入學而不因罪犯見係退黜之人取應仍紐分数每一十人解一名無人可解則闕之武士貢額仍依所立一百六十九人之數下諸路武舉省試舊來正奏名止三十人自太觀元年已後所增多二十人本為貢士今來科舉於舊省試奏名額內除豁三分充科舉奏名詔可依國子監契勘到事理施行 八月二十八日大司成張邦昌等奏檢會大觀四年八月十三日聖旨貢士八等者自今與中等並留太學以俟殿

試其上等人遇唱名日取旨又准大觀重修武學令諸貢士應補上等者取旨釋褐中等俟殿試欲望武士上等依文士上等已降指揮留武學以俟殿試詔並依大觀四年八月十三日貢士等已降指揮五年七月一日詔武士曾經崇寧五年以前省試下依開封府國子監進士例許赴將來大比試六年八月六日禮部奏昌化等軍州學生陳善長黃理祥璨覃德輿吳拱狀為整會本路學事司檢坐政和元年正月二十七日敕修立到本路武士貢額五人照會武士既用本路元立武士額發貢即是諸州解額內元格留一分文士貢額充武士自不相妨本司指揮出給公據貢發前來今來本

路諸州並不曾將一分武士額椿留例各充貢人數合  
行駁退施行本路今勘當逐人所乞難議施行尚書省  
勘會陳善長等並係逐州不合用武士椿留一分人額  
陞貢前來雖當駁退緣係官司差悞自廣南遠地已貢  
到都理可矜恤詔陳善長黃理祥璫畢德興吳拱五人  
並特許陞貢參入辟廱仍令學事司各理充逐州大比  
前一年貢額 七年五月十九日兵部言充貢武士張  
暉狀乞依政和六年十一月冬祀赦文赴將大比試本  
部勘會赦文止為進士別無該載武士之文詔武士與  
文士同令兵部申明施行 宣和五年十一月十一日  
殿中侍御史惠柔民祕書省著作佐郎柳約言准勅差

充府監發解別試所考官九月二日具武士合格字號  
奏聞數內字號係內舍試上舍試卷其當行人為是同  
場引試却悞同外舍試內舍印子致有差誤除已改正  
將當行人施行并元封對號官已舉覺外所有臣等罪  
紀伏望重行黜責詔惠柔民可罷殿中侍御史柳約罷著  
作佐郎 欽宗靖康元年五月二十七日詔諸路州府  
軍監有習武藝知兵書人仰知通不限數保明解發赴  
闕朕將親策於廷量材拔用其籌策深遠藝能絕倫當  
不次陞擢在京武學士仰禮部擇日考試具等第以聞  
不係在學人亦許自陳收試策義弓馬優異者與推恩  
其太中大夫及侍從官至路分都監以上奏舉武舉人

自依條法施行 六月十九日太常寺主簿劉定言代  
親近有旨令府州軍監有習武藝知兵書人並解發赴  
闕親策于廷竊惟武藝之人間有知書者州縣慮其不  
文無以應大廷之問則不敢解發願詔州縣有武藝精  
強而不知兵書者令赴所在投狀州縣閱試別作一項  
解赴殿前司按試藝能便之前詣邊陲收大功效以稱  
疆邊却敵之用從之令殿前司候解發到按試武藝精  
熟入於崇政殿引呈以上續國朝會要光堯皇帝建炎元年五  
月一日敕應去年錫慶院試中武士未經推恩人仰本  
部限一月開具等第姓名申尚書省 六月十三日敕  
應諸路解發到材武人并錫慶院材武人昨有緣事故



赴不及之人仰經禮兵部投狀勘實特與別行收試  
具合格人姓名申尚書省取旨推恩 二年二月二十  
六日兵部言武舉人自來州軍即無解發額止是赴兵  
部取解依條以七十人赴省試係軍頭引見司於內弓  
箭庫試驗弓馬及省試別試所附試程文今行在楊州  
即無省試院軍頭引見司亦無處試驗欲乞應就試得  
解及免解武舉人並依文士例各召京朝官二員結除  
名罪安保齋所屬給到公據赴兵部呈驗引保於行在  
殿前司試弓馬訖就淮南轉運司所在別場附試程文  
從之 三月四日詔諸路已解發到村武人令兵部將  
元給公據勘驗如不曾措改姓名月日及所給公據在

建炎元年六月十三日赦前投試文狀在今年三月初三日已前並許收試其靖康元年五月二十七日指揮更不施行三年八月五日詔武舉發解依文舉人展至來年春取旨紹興四年十一月十一日以武舉正奏名進士楊蓬補承信郎例遵文舉進士楊市仲等免殿試補官五年八月二十二日上御集英殿策試武舉進士例故有是命二十三日上御集英殿策試武舉進士九月五日尚書省言擬到武舉進士正奏名張深以下六人推恩策優等二人與保義承節郎平等四人第一第四人與承節郎第二第三人武藝不合格與進武校尉各展減磨勘年有差從之十二年三月二十二日

工御集英殿策試武舉進士 二十三日 上御幄殿閱  
試武舉弓馬 四月八日 尚書省言擬到武舉進士正  
奏名陳鶚以下五人推恩策入優等一名與承節郎平  
等二人與承信郎進武校尉特奏名滿璋以下一人平  
等並與進義校尉各展減磨勘年有差從之 十五年  
三月二十四日 上御集英殿策試武舉進士 二十五  
日 上御幄殿閱試武舉弓馬 四月九日 尚書省言擬  
到武舉進士正奏名應褒然以下五人推恩並策入平  
等正奏名二人與承節郎特奏名三人並與進義校尉  
各展減磨勘年有差從之 文獻通考紹興十六年始建  
武學兵部上武士弓馬及選  
試去留格凡初補入學步射弓一石五斗以下九斗凡  
不中即不許試程文其射格自一石五斗以下九斗凡

五等上可其奏因謂輔臣國家武選政欲得人今諸將  
子弟皆耻習弓馬求換文資數年之後將無人習武矣  
宜勸誘之凡武學生習七書兵法步騎射分上內外三  
舍學生以百人為額置博士一員以文臣有出身或武  
舉高選人為之學諭一十八年四月三日上御集英殿  
策試武舉進士四日上御幄殿閱說武舉弓馬十  
八日尚書省言擬到武舉進士柯熙以下八人推恩正  
奏名七人策入優等第一名與保義郎平等六人第一  
名與承節郎第二三人武藝不合格與承信郎第四  
至第六人與承節郎特奏各一名策入平等與進義校  
尉各展減磨勘年有差從之二十一年閏四月七日  
上御集英殿策試武舉進士八日上御幄殿閱試武  
舉弓馬十八日尚書省言擬到武舉進士正奏名湯

爲以下六人推恩第一名策入優等與承節郎平等五人並與承信郎各展一年磨勘從之二十四年三月八日上御集英殿策試武舉進士九日上御懷殿閱試武舉弓馬二十二日尚書省言擬到武舉進士正奏名鄭玘以下一十六人策入優等四人第一人保義郎第二至第四人與承節郎平等一十人內八人與承信郎張彥述岳建壽各轉一官特奏名二人第一人與進義校尉第二人雜犯與下班祇應各展減磨勘年有差從之二十六年九月十五日太學博士兼武學博士周操言武舉登科者第一人與巡檢差遣外其餘例處以監當使其捨平日所習一旦從事於管庫之間似

非選練武舉之本意乞自今武舉登科人高等者樞密院籍記姓名候一任滿日無過犯有勞績即加擢用其次者亦免充財穀管庫之任從之 二十七年三月八日上御集英殿策試武舉進士 九日上御懷殿閱試武舉弓馬 二十二日尚書省言擬到武舉進士趙應熊以下一十六人推恩正奏名一十五人策入優等第一名武藝絕倫又省試第一名特與保義郎閤門祇候餘人並與承節郎特奏名一名與進義校尉各展減磨勘年有差從之 二十七日宰執進呈趙應熊擬江南東路安撫司準備將上曰應熊所試弓馬甚精文字亦可採徽宗時如馬擴備馬識遠者皆以武舉擢用或銜

命出疆今來所得亦不可謂無人 二十九年二月二十  
十五日左正言何溥言乞將武舉一科參照祖宗典故  
修立入官資格歷從戎事免使監當其有才畧出倫許  
令帥司保舉試之陣隊以觀其能禦侮扞城量加擢用  
吏兵部看詳武舉舊法未入親民注三路鎮寨都監監  
押初任注巡檢駐泊捉賊無遺闕注監當次任餘路進  
武校尉注經使監當昨來指揮武舉正奏召保義郎以  
上注沿江巡檢承信郎承節郎注兩浙江南福建未榜監  
當闕一次又臣寮乞武舉第一人與堂除差遣餘保義  
郎以上注巡檢駐泊捉賊押隊承節郎承信郎校尉注  
准備差使緝捕盜賊欲自今武舉承節郎承信郎與通

注泐邊親民巡檢縣尉或監當窠關其校尉止依已降  
指揮差注從之 五月十七日詔武舉人依府監年數  
與免解 三十年三月九日上御集英殿策試武舉進  
士 十日上御幄殿閱試武舉弓馬 二十二日尚書  
省言擬到武舉進士樊仁遠以下二十人推恩正奏各  
一十九人策入優等七人第一名與保義郎六人並承  
節郎平等一十二人並承信郎特奏各一名與進義校  
尉各展減磨勘年有差從之 以上中會要 壽皇聖帝隆興  
元年正月八日兵部言武舉省試例附禮部貢院別試  
所今降旨更不臨軒其免省還試特奏各武舉人合試  
兵機策一道欲乞就差本院考試官出題考校從之



三月二十三日殿中侍御史胡沂言國家艱難以來屢  
頒詔旨數路搜揚將臣然臣竊以謂猶未盡也大設武  
舉立武學蓋將有所用也及臨軒唱第名在一二者固  
蒙褒擢餘皆吏部授以推酤征商之事所養非所用所  
用非所養殆非上之求材下之應舉之本意欲望與大  
臣審度計義取近歲應中武舉之人量其高下與其考  
任之淺深定為品格分差沿邊屯駐將下準備差使舊  
沿邊各有巡檢其下士卒亦有部伍今之資歷深者亦  
可為之乎淮甸荆襄之間邑各有尉其下弓級亦習武  
藝今之資歷淺者亦可為之乎如是則武藝之士豈猶  
已中選者人人思奮而遐方遠邑方習舉業者亦皆欣

然相率而上之所求矣從之文獻通考孝宗隆興元年

殿中侍御史胡沂言臣觀唐之郭子儀以武舉累等初

補右衛長史歷振遠橫塞天德軍使祖宗時試中武藝

人並赴陝西任使或武舉中選者或除京東提賊或三

路以邊試其効用或經司教押軍隊準備差使令率

近歲中選人數量其材非所用所考任之深淺授以軍

職使之習練違事語曉二年正月十四日詔應武舉

第三名已上人一任回仍赴樞密院陳狀銓量與合入

差遣其才識卓越者具名以聞 乾道元年五月十一

日詔成忠郎補荆湖南路安撫司準備將領孫顯祖昨

應武舉程文第一武藝絕倫補保義郎可依趙應熊例

加閣門祗候仍改殿司軍中差遣應熊例在紹興二年三

月七日絕倫人須晉詔與免省候唱名日降等推恩是

晉之平或一應能例奏裁洪迄等曰絕倫人在法不以策  
義工問程文如何這等言又理  
亦組可採上以有專法遂命之  
皇帝登寶位臨軒策試係推龍飛恩例今舉已降旨依  
典故施行武舉進士合推恩數緣崇寧建炎年該龍飛  
典例自渡江案牘散逸無憑契勘伏乞詳酌詔比附進  
士正奏名例第一名特更與轉一官第二第三名依第  
一名恩例 十八日中書舍人蔣芾言國家開設武學  
教養智勇之士然既第之後問其所職則莞庫而已夫  
孫子吳起之術非可用於勾稽由基飛衛之技非可施  
於錢穀也願詔本兵大臣議定其制繼自今以武舉登  
第者悉授以軍中之職安知異時無郭子儀者出於其

間哉詔應武出身人候闕陞親民實歷一任如有材能

許監司帥守薦舉取旨與將副差遣上復問帝宰臣巡

造等曰在巡檢則為親民武舉初任人亦可入止帶權

字所以欲闕陞後始命以將副上曰恐太驟須議之六月八日詔武舉正奏名承節郎吳瑄差充侍衛步

軍司準備將職事以主官步軍司陳敏言瑄素蘊七

月二十七日中書門下省言紹興重修貢舉令諸應武

舉被舉人限六月到闕承前多以七月中引試自紹興

二十四年指揮定用八月十五日今若令舉人六月終

到闕恐在旅日久詔自今應舉人並限七月到闕限內不

到並不收試餘依見條五年二月二十五日樞密院

檢詳諸房文字林栗言竊見省試舉人考定號字聞奏準

勅差臺官拆號放榜武舉絕倫止委封彌官輕重不等  
欲乞自今武舉省試並依避親舉人考校字號先具聞  
奏併付拆號官下考試院考校承前並以舉人三場分  
送三房各隨一場最優處攢類編排蓋欲恭取所長兼  
防姦弊近者被命考校獨武舉程文前後兩場試卷併  
入一房深慮非宜遂令互考理或可行欲乞詳酌從之

三月二十七日詔監司帥臣管軍侍從於見任待闕

寄居武舉人內薦歲具有無文狀以聞諸州軍監守臣

做之文獻通考乾道五年廷試始依文舉給黃牒同正

身工垂意武科以授官與文士不類詔自今第一

補秉義郎堂條諸司計議官序位在機宜之上第二

三人保義郎諸路帥司準備將領代還轉保義郎皆做進

第五人承節郎諸路兵馬監押代還轉保義郎皆做進

士甲科恩例四年又五年御舉狀元代選例除館職亦召  
夫舉榜首閤門舍人五年御舉狀元代選例除館職亦召  
立武學國子初立武舉臣親屬其文臣親屬願赴武補  
者亦聽七年與同正將第二倫并從軍副將第五名以上  
試第一六各以下並同準備將三名同副將第五名以上  
省試出衆特旨擢用上口武舉本練軍政他日可備用  
從事以七年為限則久在軍中諳練軍政他日可備用  
武郎以下聽換文資祖宗二朝許從官三試舉其後太學  
諸生久不第者多去從武舉已乃錢廳應進士第凡以  
更義或忠恕皆換京秩恩歡與第一人等後以林穎秀  
言武士舍棄雄健喜功之士徒啓其僥倖名爵之心於  
以武名不得雄健喜功之士徒啓其僥倖名爵之心於  
是詔自換六年正月十九日敕文閣待制提舉佑神觀  
母得領今六年正月十九日敕文閣待制提舉佑神觀  
劉章乞復武舉制科不必如漢唐科目之繁召試天下  
士以備將帥之用上曰此一事甚善當令詳酌立科  
三月二十六日詔武學生李國勳將來省試令還省試

絕倫弓弩一次如合格許赴殿試絕倫即有不中依舊

赴三等弓馬

國勳該免填會而赴廷試絕倫下兵部勘會而有是命

七年六月二十

二日試秘書少監兼權兵部侍郎周必大乞將應試武

舉人雖發奏在三月以後權許收試虞允文奏曰文士

應舉初不用保奏臨期投卷便可就試武舉須保奏又

限以當年三月以前拘矣上復問舊法限以三月何故

允文曰蓋慮試人太冗耳上皆然之七月十七日國

子監司業劉焞等言紹興二十六年復興武學之後就

舉人數浸多非復向日之比而逐舉將免解人數等除

額日就及狹今欲將免解人赴省試外該赴解試人立

定若干人為額庶得允愜詔正解以五十人為額八

月三日中書門下省勘會在法奏舉武舉人內外各許  
奏舉一名人數太狹詔自今內外各許奏舉二名十  
二月十七日中書門下省應武舉絕倫進士李岳顧諒  
狀已於比試弓弩合格程文取中又於解試弓弩皆合  
格試程文被黜在法武藝絕倫不以策義優平或一場  
稍可採者奏裁其李岳顧諒弓弩並應法外試卷文義  
稍有可採詔李岳顧諒並特免解一次二十八日武  
舉解進士游夢協等言武舉每當大比到省率以七十  
人為限合格不許過三十人緣今絕倫人到省已十餘  
上舍免省又加三四皆在三十名省額算除之數比之  
常舉虧數已甚乞以絕倫人別作一科及免省人勿復



勅令舉解<sub>五十人免解二十九人</sub>武舉<sub>一人有武三十人</sub>除省<sub>三人</sub>額<sub>三人</sub>外

以上十人為額取放 八年正月十八日詔武學生誅

遇紹興三十二年覃恩先曾升補內舍生或在學已及

五年曾經公試或私試中選人並特與放行今來省試

三月二十三日兵吏部言已降旨武舉正持奏召進

士並依文舉例唱名日給<sub>黃牒</sub>進士<sub>及第</sub>進士出

身同進士出身承前武舉唱名止給付身稱保義承節

承信郎校之類并及展減磨勘今欲於武舉勅牒前街

作武舉正奏名某絕倫人於正奏名上添絕倫二字其

後擬第一名賜武舉及第餘並賜武舉出身并所補官

時奏名前街作武舉時奏名某後擬所補官資展減磨

勅一節候黃甲指揮下令吏部出給公據從之 四月

一日集英殿武舉唱名其間有策係優等絕倫武藝並

應格者反其在平等之後如第一名亦止補保義郎上

顧虞允文等曰此恐未當宜別措置 同日詔唱名武

舉進士本貫係潛藩人令兵部比附文舉陞名其後唱

六人吳克孝曾建寧府係皇帝潛藩全陞名有司言武

舉比之文士即無五甲武令吳克孝用姓名思例將已

辰一年磨勘吏十二月二十一日臣僚言祖宗採李唐

之法置武舉以待四方英俊此將才淵藪也自渡江以

來西北之士流落蜀漢者往往無力以進而又限以保

奏之官寒微何由可得故每舉就試不過數十人其取

人不廣如此欲望頒武舉之法於四川令四路師臣憲

漕知州軍監鈴轄路分及寄居侍從以上每舉各保一員而與元府判閣金洋階成西和鳳州各保三員較其藝能命之以官而任使之他日諸將中未必無郭子儀輩出也兵部勘會四川文士解額七百二十五人紐等武舉合取二十一人員額六人比試額四十二人欲乞令四川宣撫司酌度均撥下逐路轉運司照本部條旨收試其已得解人並赴宣撫司類試仍令本司將合格省試人發赴行在與本部武舉人混雜殿試今四川武舉既初創行恐試者尚寡欲乞令本路轉運司據數比試以二人解發一名如四川得解人通未及二十一人之數即三人五分與放省額一名他有未盡令宣撫司

續具申明從之其後四川宣撫司言昨臣僚奏請益州  
路所以許興元府等處所保人數比試他路所以為多  
先以部所立四川武舉解試比試額通四十二人  
附以部所立四川武舉解試比試額通四十二人  
內以部所立四川武舉解試比試額通四十二人  
人並所立四川武舉解試比試額通四十二人  
路四人並所立四川武舉解試比試額通四十二人  
所言幹辦公事黃飛乞以新差京畿第二正將比換殿  
前司額外正將星遣上曰武舉之人能自陳從軍尤可  
激勸從之道以上乾會要

全唐文

續宋會要 武舉

淳熙元年二月二十三日兵部言武舉依逐舉例係八月初二日或初三日先試比弓馬今舉係奏舉二名比前舉增添數多恐舉人皆七月終到闕不唯於比試弓馬日通又恐內有詐冒稽考違礙不及乞依條於六月終以前到闕如限內不到並不收試其被舉人往往於比試前一兩日投下奏狀使有司倉卒難以辨驗乞自今須管於六月終前投下如在七月一日以後並不許收換今舉奏舉增倍數多若依例於八月初二日或初三日比試弓馬竊恐是日值雨泥濘於引試程文日分

相通乞從本部於七月下旬擇日比試弓馬從之  
八月一日臣僚言武舉進士試期已近而無保舉者尚多  
乞令兵部關報應令舉官未曾保奏武舉人者各令依  
數保奏其無保官者令入狀互保依前舉例放行比試  
試中即赴解試俟解試中仍召臣朝保官一員赴省試  
試依候試畢令勅令所別行立法先是進士諸葛文  
方及二百餘人在外已得奏狀未投者凡五十餘人而  
未得保官者五倍乞展限收接奏狀詔辰年月至是臣  
僚以為速方士子赴舉欲求二年正月二十四日詔  
今武舉緣有乞省九人令通取三十九人五年正月  
有免首十一人詔三月十八日上御集英殿策試武  
進士每舉二十三日上御上御熈殿闕試武舉弓馬每舉

同日尚書省言擬到武舉進士正奏名蔣介以下四十  
一人推恩第一名補東義郎第二第三名補保義郎策  
八優等七名平等三十一人內三十人與承節郎有官  
人郭光轉一官特奏各二人與進義校尉各展減磨勘  
有差從之 二十四日詔武舉正奏名殿試策八優等  
一名補東義郎堂除三衛并諸軍計議官第二第三名  
補保義郎注授諸路安撫司準備將領一任回與轉忠  
靖郎不隔磨勘第四第五名補承節郎注授諸州兵馬  
監押一任回與轉保義郎不隔磨勘餘人並依逐舉例  
補官及舊法注擬差遣已上如曾經省試上三名武學  
上舍生與注諸路安撫司準備將領舊指揮武舉絕倫

人并三平等人殿試程文俱入優等即絕倫人合選在  
優等入之上若平等人已係第一名即絕倫人不陞止  
與第一名恩例如絕倫人保優等第一名除推恩外臨  
時聽旨先是上宣諭會武舉人比類進士及第第一  
進呈舊制武舉第一人不補東義郎合與進士第一  
管機宜等所差機宜元不補東義郎合與進士第一  
郎相宜等所差機宜元不補東義郎合與進士第一  
機宜之上使得裨贊主帥庶幾見所長以備擢用  
人自以下並以前一年刑關依黃甲注授若第一名  
倫合得第一名恩數外其第二名亦係絕倫止依今  
立定第二各推恩如又係有試第一名不與第一  
恩例餘倫人候一恩回任各更轉一官不與第一  
第二人如已該第一名恩例更不如轉吏部自今省  
將見勝諸甲列賜免前項武舉人集注四月三日詔  
四關依黃甲列賜免前項武舉人集注

今武舉特奏各進士賜名日各特賜紫羅窄衫一領一



十兩數金銀五子荔枝腰帶一條 五日詔武舉特

奏名樊仁邁許惟能並策入平等馬步射一事應格授

進義校尉減三年磨勘 十三日詔武舉朝集增給錢

三百貫

自以此每舉如之

五月二日宰執進呈忠訓郎張世英

狀元係武舉出身授殿前司主管機宜文字關遠願從

軍乞差殿前司正副將上曰若自外從軍便為正副將

恐妨軍中陞轉令別踏外路諸軍差遣陳乞 七月二

十五日詔今次武舉比試量增一十人通取一百一十

人為額 五年四月十一日尚書省言擬到武舉進士

正奏名陳說以下四十四人推恩第一名補秉義郎第

二策三名補保義郎策八優第十人平等三十一人與

補承節郎成錦轉兩官候一任回更轉一官各展減磨  
勘有差從之 八月二十七日臣僚言武舉登科人須  
於軍中任不隔磨勘通及七年無遺闕願離軍者差充  
三衛并江上諸軍書寫機宜文字或幹辦公事任滿入  
諸路副將第四名第五名并省試第一名堪充兵將官  
願從軍人依舊法補官差充三衛并江上諸軍同準備  
將依正額人支破請給到軍及七年無遺闕願離軍者  
差充三衛并江上諸軍準備差遣任滿入諸路安撫司  
準備將領第六名以下堪充兵將官願從軍人依舊法  
補官差充三衛并江上諸軍準備差遣任滿入諸州兵  
馬監押已上若後來立到軍功或人材出眾特旨擢用

不拘以服其堪充兵將官願從軍人令樞密院銓量如  
不願從軍或雖願從軍人材不應選人並依乾道八年  
已前舊法第一名補保義郎注沿江巡檢駐泊捉賊押  
隊不入等承節郎沿邊親民巡檢縣尉準備差使緝  
捕盜賊第二名以下補承節郎不入等承信郎注沿邊  
親民巡檢縣尉準備差使緝捕盜賊上曰武舉本欲取  
將帥之才今前名皆令從軍以七年為期久在軍中語  
練軍政將來因軍功擢為將帥庶幾得人 十九日詔

武舉解試省試只依舊額其保官自今許文臣陞朝官

武臣正使以上各保奏二人乾道二年三月有詔監司

武藝議論兵機語識調發委以事任則凡絕倫抱藝者  
得以効其長望今有司詳議就軍中別立優異稟開如

準用之類使經歷兩任然後擢之朝列他時將帥之儲  
定注授差遣條法乞從朝廷指揮 七年三月三日兵  
部尚書王希呂言淳熙元年及四年兩舉承指揮將武  
舉無保奏人放行比試今舉恐士人臨時復引前例陳  
乞如循例放行不難衝改成法兼無以機察姦弊乞明  
示舉人依條召保奏舉如無保官不許收試從之 四  
日宰執進呈兵部措置武舉貢舉補官差注格法並從  
之武舉貢舉格絕倫弓兩石兼馬射九斗力兼八優等  
三等平等並依舊法第一等弓一石一斗力兼馬射七  
耳第二等弓一石力兼馬射七斗第三等弓九斗力兼  
馬射七斗已上殿試合用馬射令就大教場內引試宰  
執校閱其補官差注格法第一名堪充兵將官領從軍  
人補義郎差充三衙并江上諸軍同正將依正額人  
支破請給到軍及五年無遺闕領雜軍者除諸軍計滿  
責任滿入諸路正將第二第三名堪充兵將官領從軍

人補保義郎差充三衛并江上諸軍同副將依正額人  
臣薦舉武舉人七年八月又詔自令內外各許奏舉二  
名至是閤門舍人林宗臣言乞經有司寬保官之法增  
其人數上曰來之欲廣  
擇之欲精故有是詔  
言前舉奏到武舉止有二百餘人今舉緣文武臣許保  
奏二名已奏到約有七百餘人若不申明分場引試竊  
恐連夜試驗弓馬不精別生姦弊乞將絕倫弓并三平  
等人步射先作一日呈試將合格人照元給呈試弓馬  
關子於次日絕早赴教場門首令馬軍司差有心力識  
字使臣三五員照驗放令入赴馬射如代名呈試並依  
貢舉條法科罪詔分三日引試餘依  
八年三月二十  
四日尚書省言擬到武舉進士正奏各江伯虎以下四

十四人第一名江伯虎補東義郎第二名黃萬石補保

義郎餘皆平等補承節郎特奏各四人一人補進武校

尉三人補進義校尉各展減磨勘有差從之

江伯虎等十八人

從軍閏三月九日宰執進呈武舉特奏各依文舉當殿

給敕牒擬稱賜武舉特奏名補官上曰其間恐有下班

副尉之類未合稱官乃改作武舉推恩同日宰執進

呈蜀中武舉進士薛九齡以疾赴今歲殿試武藝不及

次日却曾赴策試兵部欲比作一事不中之人唱名補

官詔令承旨司就大教場按試四月五日詔武舉進

士從軍人欲令習知軍務以俟器使如因職事已見委

係利便許赴主帥陳述遇有過犯令加罪責申樞密院

取旨施行 五月十一日武舉進士及第江伯虎等乞  
先次參部出給料錢文曆却行從軍差遣其料錢文曆  
乞依不願從軍之人一例幫行及比附不願從軍人歷  
巡尉知寨差遣從軍及六考並許理作闕陞資序從之  
十四日詔武舉進士出身人已有淳熙七年三月四  
月指揮其淳熙二年五年武舉不願從軍人並令依乾  
道八年指揮施行內已歷過差遣人與依舊差注 九  
年五月七日詔訪聞武舉從軍之人往往自高不親戎  
旅如自今職事勤恪從主帥具名保奏陞差其或懈惰  
不虔亦許按劾以聞當行黜責 十一年正月八日詔  
刑部侍郎兼權兵部侍郎曾逮監試武舉弓馬 四月

十一日尚書省擬到武舉正奏名進士林慄以下四十  
三人推恩第一名第二名補保義郎策八優等餘皆平  
等補承節郎內陶天麟係以絕倫首解省試第一名持  
補保義郎更減二年磨勘持奏各一名補進武副尉各  
展減勘有差從之 五月九日詔殿試武舉第一名林  
慄與堂除計議官第二名林可久與準備將領 十三  
年四月八日詔武學生年七十以上柯真特與補承信  
郎免省上舍生潘子震周應迪蔡紘依太學免省上舍  
生釋褐恩例並特與補承節郎內願赴淳熙十四年殿  
試者聽守年免省上舍生鄭覺與徑赴淳熙十四年殿  
試永免解內舍生陳昌齡等並候將來過省赴殿試唱



名日各與減二年磨勘內永免外舍生沈仲剛等各與

減一年磨勘

恩以兵部檢會慶壽赦

二十九日兵部言

今歲係武舉比試發解年分乞令武舉人已有保官合該收試之人並於六月終以前到闕其奏狀並是展限至閏七月半以前投下已後更不收接如出違今來立定日限並不許收試其無保官及不該收試之人即不許臨期引例陳乞若許從本部所申候指揮下日遞牒諸路曉示從之 七月十三日馬軍司狀今來武舉科場年分依已降指揮令於八月內引試發解兩場弓馬事藝乞下內軍器庫依例關借絕倫兩石弓一百張發赴本司打硯封記應副至日使用候引試畢發還今後

如遇闕少依此闕借詔今後準此十四年二月八日

詔添省額三人權以三十三人取放一次武舉進士全

見武舉省試自來除上舍免省外以三十名為額

元年武舉省試該過覃恩免解者五十餘人發解者一十

三人當舉省試得添省額五名今來在學生員該慶恩

免解一百二十餘人在外發解者復取三十名又年元

者一十餘人與今來免解發到省之人特與敷奏故有

是五月十四日尚書省言擬到正奏名進士黃衷然

以下四十七人推恩第一名補東義郎第二名補保義

郎餘習平等補承節郎各展減磨勘有差從之宗會要

淳熙十六年十月二十三日詔自今武舉人不許試

換文資以事執進呈知縣州林穎秀言武舉一科均隸

乞明賜戒諭或議條為其間誠有學業優長才兼文武

方得續奏所業引試庶幾其人一意戎事稍重武科上  
曰此說可從既以武進又却換文豈非再設武科取人  
之意政 十二月十二日詔武舉從軍人今後年限已  
有是命

滿願留軍中者仰主帥保奏與依諸軍體例格法陞差

不願從軍者照應淳熙八年閏三月十一日已降指揮

施行以臣僚言近得旨武舉人不得試模文資恐捨其  
政習而失其所得長可謂當矣既絕其文資之望亦

宜為開陞進之途雖有指揮武舉從軍人職事勤恪即  
從主帥具名保奏陞差累年未見引用是係陞差一

豈其果無堪用者乎乞記樞臣明立陞差格法如武舉  
出身人從軍年滿有旨勇藝能精熟者令主帥述其所

長保奏來上人命節次差補故有是命 同日詔今後

武舉比試弓馬移於城東大教場可差兵部長貳郎官

及殿步帥統制等官監試作一日引試從武舉比試  
弓馬所請也

紹熙元年四月十五日兵部言武舉進士該龍飛恩例

比附進士正奏各體例第一名特更與轉一官第二第

三名依第一名恩例所有今來武舉第一第二第三名

願從軍不願從軍人並依本部見行條格補官差注施

行從之以乾道二年三月十七日指揮故也十七日上御幄殿閱試武

舉弓馬十八日詔省試第一名武學上舍生不願從

軍人照應乾道八年格法施行候一任回與陞一等差

遣以兵部言武舉殿試第一至第六名省試第一名已

有格法補官差注即無該載上舍生得恩數竊緣太

學上舍生第例與省試上舍生並注教官二十五日

而武舉上舍生不應全無優恩故有是命上御集英殿策試武舉進士策題見二年八月十日

臣僚言乞詔兵部長貳措置將來解試弓馬人各先次

當廳親書家狀一本然後拍試將合格人家狀畫時逐

紙印押額眾牒送發解所為照候引試義策考校了畢  
於祗號之次將真卷比驗兵部所發家狀如字畫異同  
雖已中選亦行究實如果有偽冒即交歇放並照科舉  
條例施行此而本郎言比試弓馬已有措置外若從今  
雜交互恐於射弓之際難以識認正身不能革弊今措  
置於下馬軍司約度今來合赴解試人數預期印押白  
紙排立十字文號於引試日將試中鑒前人當官親書  
家狀候馬射應格類聚陳送試院通從今降指揮施行  
之從  
四年二月十四日殿前司言已降指揮武舉從軍  
人今後年限已滿額留軍中者仰主帥保奏與諸軍體  
例格法陞差不願從軍者照應淳熙八年閏三月十一  
日已降指揮施行本司契勘諸軍入額管事兵將官陞  
差格法如準備將及二年陞副將人二年陞正將正將

三年陞統領統領三年陞統制雖有立定年限係有案  
關本司先以完心職事管幹廉慤弓馬精熟衆所推服  
之人然後再選擇履歷月日深淺保明申乞差填闕額  
今來武舉從軍將佐係是差充同將官在入額將官數  
人即不填闕若從諸軍格法年限陞差不十年間便可  
致身統領統制官本司今欲將武舉將官自今後年限  
已及能弓馬管事廉慤之人照年限次第陞差至正將  
止後遇諸軍入額正將有關從本司於內選擇有武藝  
廉勤爲衆所推服之人保明申朝廷撥填入額依例放  
行供給若有過犯即從本司責罰却乞除落節次所降  
有犯申取朝廷指揮如不願撥填入額照應淳熙八年

閏三月十一日指揮與離軍注授差遣從之 四月二

十日上御惺殿閣試武舉弓馬 五月四日上御集英

殿策試武舉進士策題見 以上光 宗會要 紹熙五年十月

十一日臣僚言武科許試換文資蓋不止責以兵畧騎

射誠欲益其學問而大其成就耳比年以來不許試換

雖曰使之從軍以備將帥之選而陞差之法止於同正

將既塞其試換之門又艱其仕進之路使士以才氣自

負者將有不屑就之意乞今後依舊許令武舉人試換

文資從之 閏十月二十三日臣僚言方今取才之道

不為不盡獨武舉人尚有可言向來紹興乾道間願從

軍人填闕之後入額管幹軍馬若職事修舉則必隨例

陞差至統制都統自淳熙以來止令同副將之類不復  
填闕管幹自此絕陞差之望乞將武舉從軍人先充同  
準備將或同正副將二年待其諳曉軍務即令本軍保  
明主帥備申許令撥填正額如委是職事修舉許其陞  
差統額統制官庶幾人材得以展布詔依仍照應節次  
指揮施行 慶元元年八月一日兵部言四川四路武  
舉解額共取二十一人其有試以三人五分取一人共  
取六名為省額零公不及三人五分更不取放緣今年  
係類試年分內有自淳熙元年四年得解到省之人至  
今及一十八年并有四舉到省人合與理年理舉免解  
赴今次省試者竊恐比逐舉人數過多所有取放省額



欲取放正解六名外有免解實到省終場人如及五人  
以上權取一名通計七名為額一次仍同正解人混同  
考校如不及五人更不取放候試畢日具終場人數申  
明朝廷以憑參照後舉取放有額施行從之 二十一  
日兵部言國子監武舉取放解額照得今舉解試武學  
生係詠七月七日覃恩免解外有赴試終場絕倫三十  
人平等四十七人共七十七人比之淳熙十六年絕倫  
人數為多難以比擬七人取三名平等三人三分有零  
取一名若照淳熙十三年體例二人九分六釐有零取  
一名則係合取二十六人若照十六年三人取一名則  
係二十五人尚剩二人零分今參酌欲依淳熙十三年

指揮權以二十六人為額取放一次內絕倫以十分為

率取四分合取十人尚剩四分平等取一十五人尚剩

六分以二項通剩分數計之則合更取一名但今舉絕

倫比之逐舉人數稍多更優取一名奏及二十六人之

數從之 十二月二十七日兵部言武舉省試殿試引

見唱名及通省并還試特奏各係與文士一體今來更

不臨軒策試乞參照紹興三十二年故例施行從之黃

牒令本部給散一紹興二十二年武舉人補官推恩像

賜藥院例格中取指推恩厚熙八年正奏各只宣恩

道原減廢則合照前奏亦宣恩今欲依故例施行一

免省人例合赴御試弓馬程文今不臨軒策試合依紹

興三十二年故例弓馬隨省試赴軍頭司呈試程文隨

赴省試進士後接連引試別立考校參入省榜優平二

等高中下即不浸省額人數如有通省不齊赴殿試人合  
行遇試弓馬程文乞照舊人一體施行照得如與三  
十二平即無持奏后合就試人今舉如有試試之人乞  
照例引試施行文獻通考寧宗初復武科鎖鑰金

慶元二年正月二十九日兵部尚書張叔椿兵部侍

郎楊大瀛著作郎兼兵部郎官王夔言武舉省試係絕

倫平等各立字號考校先次將程文公優平二等混同

放榜然後却以弓馬參攷各隨武藝等第其絕倫人盡

數處在平等人之上殿試用武藝參考專以程文立優

平等考校若絕倫平等俱入優等當取第一從淳熙二

年指揮絕倫人止與第一名恩例不許陞在平等之上

今來已降指揮更不臨軒策試合將省榜作殿榜推恩

即是自元合推殿元恩例事體甚重近承批下武學生

周振等係平等人乞於省試不用參考依殿試例止以  
程文排定高下及絕倫人諸葛武等經部陳乞依法參  
考武藝及照紹興三十二年故例取放本部開具指揮  
乞朝廷詳酌處分累承批送本部分明指定叔椿等竊  
詳絕倫及平等人所乞互有得失若用省試法參考武  
藝絕倫人程文不以優劣盡數必在前列失於太優若  
以殿試指揮排定高下其所取文理優長之人必多是  
平等未免於省試常法稍有不同況紹興三十二年故  
例當時絕倫人難參考在前緣止有孫顯祖等二人第  
三人以下皆是平等之人今舉絕倫應取放者不啻十  
五六月人自不可循守故常今欲將今舉絕倫平等且與

混同以程文精粗分優平二等取放若絕倫平等俱中  
優等須平等人程文高出絕倫人分數方取第一名若  
文理與絕倫人不甚相遠即以絕倫居首選其餘高下  
如之不惟兩無偏勝廢幾所取足以厭服人望今指定  
如或可采乞下試院精加考校所有後舉省殿試遵用  
條法指揮從之 二年二月二十五日兵部言四川今  
舉貢試合格共取六名行在武舉通省人已從紹興三  
十二年故例候省試院申到人數照應淳熙六年立定  
補官格法擬申外其四川武舉創自乾道八年即無紹  
興三十二年故例可以擬定照得當年止有四川省試  
進士一百二十七人推恩體例第一等第一名趙雄於

第一甲第五名安排依行在第三名推恩第二名將桂  
於第六名安排餘並三人中參入一人禮部已從故例  
擬定推恩畢今來武舉止有六名若將上件故例比擬  
緣人數多寡不同兼不曾分優平二等今指定欲將第  
一名於首榜第五名安排第二名以下於第六名以次  
每九名參入一名照策入平等格法補官詔第一名於  
首榜第五名安排仍比類行在三平等策入優等推恩  
補官餘從之 四月二十九日詔武舉特奏名第一名  
余端義與依格補官減年外所有特權減二年磨勘指  
揮更不施行以任餘言伏觀武舉推恩補奏名第一名  
時或一年磨勘以格法也端義乃有宰相端禮之親兄  
端之避還公尚極推恩今數內陳元朝等陳元臣等補

官迂回下部端禮懸禱同列遷就勸當古政遂其私意  
乃時優端義餘旨不預照得進武校尉三年磨勸便可  
轉承信郎今端義已補校尉減一年磨勸矣而人相減  
二年則是正誤承信郎乞將權減二年磨勸指揮特賜  
有是命故五年四月十八日上御集英殿策試武舉進  
士魏題門見十九日上御幄殿閱武舉射射六月二

十日詔敕賜武舉絕倫進士及第胡應時與第一名恩  
例以應時係絕倫又八月二十八日臣僚言兩淮荆  
襄皆楚地也山川之勝風土至厚鍾為人物往往豪氣

磊落有足觀者漸磨之以學問勸誘之以爵祿莫不奮  
起出為時用臣觀武舉通勝所謂兩淮荆襄之人絕不  
見有中是選者夫豈無材可取特未有招來誘進之方  
耳乞將京西一路六州軍湖北沿邊信陽軍并江陵德

安府復州荊門軍及兩淮沿邊廬光濠楚滁州盱眙安  
豐軍土著士人照兵部及四川試武舉法許令就試詔  
兵部檢坐條法行下逐州軍如委係土著士人召文武  
官保奏須要選擇人材精於武藝於解試年分二月內  
聽於本路安撫司拍張弓馬合格不限人數並行取放  
仍就本司差官比試程文將文理稍通人並赴行在解  
試別立字號令項考校取撥十名為解額仍於省試見  
取放人內撥五名為省額如解發人數稀少臨時取旨  
其冒貫不實許人陳告定行真決不以蔭論保官降三  
官資同保人殿五舉餘照見行條法既而兵部言淮西  
一節係是創行之初若候奏狀到部出給告示令逐路  
取試竊恐往還留滯欲照四川武舉體例將合該奏舉



武舉如無違礙先次取試續  
行應奏降付本部照會從之

嘉泰二年正月二十七

日兵部言武學內舍生賴嘉言繆南明程君舉李叔瀛

陳天驥伏竊見兩學學生程有徽王飛英等陳乞兩諫

覃恩免解事已蒙朝廷下部監指定緣嘉言等尚有五

人未嘗陳乞下部監一就施行批送兵部國子監指定

佛本監中一兩經軍恩上舍生見赴嘉泰二年省試人

何大明一兩經軍恩係有公試及私試中選內舍生住

學十五年人翼澤朱之奇事秀實葉際一兩經軍恩係

有公試及私試中選外舍生住學十五年人劉思願可

沈燾朱次韓陳天驥周致遠程君舉李叔瀛王飛英陳

浩兵燾照計一十一人乞比附太學生已得今降免解一

次指擇施行乞所今孩免解之人或因事故今舉不赴

省試之人後舉更不收使本部契勘教內何大明係武  
學下等上舍生從條已係免解見赴今年省試之人並  
賴嘉言繆南明程君舉李叔瀛  
六牛章免是以不合周其今推特令赴今未省試一次  
依兵部國子監指定刻人裁權特令赴今未省試一次

內上舍生何大明亦止許赴今未省

開禧元年四月

武一次日後不許作恩例收便從之

策題見

二十

七日上御隆殿閱武舉射射

二年十月二十五日臣

僚言武舉設科政將以搜羅方畧之士為異時儲用將

材之地恭惟孝宗皇帝淳熙八年特降勅旨今後武舉

及第出身人許令從軍願與不願者聽自第一名以至

第二十四名之人各依名次高下分撥殿步司馬軍行

司及沿江諸都統司軍分每司止許三人指占關額管

幹職事其餘不在從軍之數者乃許注授在外巡尉差

遣嗣更兩朝率循舊章凡登武舉進士第者莫不各隨

其資次或授殿司同正副將或授馬步司與諸都統司

同準備將既從銓審各供乃職服勞戍事悉閑教閱近  
年倖門一開諸武舉及第人元不預從軍數者黃緣朝  
旨而復許入軍合在江上都統司軍分者申乞改換而  
復撥入殿步司職等躋進不安職業達為武舉之累乞  
今後每遇臨軒策士之歲先令三省樞密院類定廷唱  
名次先後與從軍次第別為一籍合撥三衛及諸都統  
司軍分者不得薦越別乞改撥如名次不在從軍人數  
須令差注外任巡尉差遣毋使計囑再與入軍又考限  
未滿不該離軍者亦不得妄亂陳乞廟堂陶鑄從之

嘉定元年五月六日上御集英殿策試武舉進士

策題見親

冊試 七月上御幄殿閱武舉射射 四年五月八日上

御集英殿策試武舉進士

策題見試門

九日上御帷殿閱

武舉射射

五年二月一日臣僚言武臣之至郡守素

不閑於民事一旦驟用徒謀富溢滋病於民蓋先朝舊

制文武臣皆以磨勛遷轉文臣自選人至京朝官止以

考第所以考察者詳且密矣仁宗皇帝以改官猥衆始

立舉員之制不足者不改也武臣則仍其舊特武臣登

用者少而入仕之途未多今之為郡視為常典而廉污

能否莫之保任可不斟酌其法而損益乎今武臣從軍

或為計議不省民事乃遽為郡安有高材異能不待嘗

試如彼其易哉往年知邕州陳良彪為武舉第一進士

其政乖繆有勦杖一百而杖之如數財賦悉以營私官

無俸兵無糧冬衣不支軍士劫掠幾至大變乞自今武  
舉初官須歷巡尉次歷諸州都監更任知縣無過犯有  
舉主方可與郡庠使習熟民事宅生重寄皆得循良詣  
練之士從之 七年五月四日上御集英殿策試武舉

進士

策題見  
親試門

七日上御幄殿閱武舉射射

十年四

月二十二日上御集英殿策試武舉進士

策題見  
親試門

二

十七日上御幄殿閱武舉射射

十二月十二日兵部

侍郎趙汝述言文武並用長久之術有天下者不可偏

廢近世武舉進士甫得賜第多棄所學必欲鏤試換文

回視兵書戎器往往恥談而羞道之夫科目之設不惟

士子以此自致其身國家亦將各賴其用今既由武藝

八官人復慕為文臣是右科徒為士子假塗之資而非  
為國家儲材之地此科遂成無用矣比年以來韜鈴之  
士無間將帥之材常乏邊塵有警所藉以禦侮者賴不  
勝任使得右科習勇之人而用之宜其必有可觀者乞  
自今武舉出身不許再應文舉仍令考核之官精選其  
藝業廟堂之上稍優其除授俾之練習謀畧趨事赴功  
自偏裨制領而上主帥三衛錄此其選庶幾右科增重  
不為虛設上曰祖宗設右科正欲選將帥若令換文則  
分明是闕將帥一科汝述奏云誠如聖訓十二年八  
月八日兵部言武學生郎剛克等狀國家自更化以來  
場屋情弊革去殆盡惟武舉解試積弊顯然每舉用八

月十四日揭比試榜十五日試弓馬十六日試程文七  
書義恰與太學第二場論試同日一篇之論片時可辦  
各以餘力助其武舉朋舊賄賂公行倖中者半今乞就  
八月十三日揭比試榜十四日試弓馬十五日同太學  
頭場試七書義庶幾寸晷各自為謀無暇他及則材能  
自見不負設科取士之意送兵部同國子監勘當  
據武學情士劉孟虎言所陳十六日引試七書義正  
太學試論之曰恐有餘力可為武舉士人之助武舉  
可謂無之但每舉用十五日試弓馬者所以防武舉  
兩試也今就十四日試弓馬則試弓馬不合格之人可  
於十五日起試此風不可長若不展寬無以革丈人  
為武舉代華之弊若展退一日就十六日試弓馬十  
日試七書義如此則可以防其赴兩試之弊其日止  
是太學士人第三場必無餘力可及七書義矣從之  
十三年五月二十七日上御集英殿策試武舉進士策

見親門六月一日上御懋殿閱武舉射射九月四日右

正言張次賢言竊惟國家取士由武舉策第許換試文  
資此網羅全才之意紹熙畧行沮格未幾仍就放行比  
者臣僚復沮格之且入賢門蔭之流猶許換試而武舉  
進者獨可沮抑其所能乎至如文士擢第猶必程其武  
藝而慣於兵機者可不容其通習文事乎此武舉試換  
不可不復也夫武舉歷任作邑既滿或可得郡此固優  
假右選然把麾一方民社攸重苟使官卑資淺之人幸  
而得之何以重蕃宣之寄哉且文臣三考作邑兩位作  
倅方許典郡今武舉作邑雖用舉貢其視文臣五削脫  
選難易不侔或試邑甫畢即便得郡寧不太驟此武舉



典郡不可不革也或慮其得武復換以文則是假途而  
進遠以輕武然能中兩科者不過擬特轉楚之輩豈能  
一一捨武就文乎人慮作邑之後未許作郎非所以為  
誘掖戎行之意然歷任以來或以功績顯著廟堂自應  
如之賞遇豈一例拘以格法乎乞應武舉出身照舊例  
聽其換試其已作邑人受郡闕及已赴上者且循舊格  
外自今合體左選格法須歷計議路分差遣比當兩任  
通判而後與郡庶幾文武兼通之才可致而郡國作牧  
之寄不輕矣從之 十四年四月二十四日兵部言四  
川武舉正奏石季炎叩言西蜀賤士溫叻奏各自去歲  
正月萬里東裝趨赴廷對實以船小偶遭風浪遂被沮

蜀以致愆期趕試不前已引用文舉體例附勝推恩兵部不照文舉舊例不蒙施行照得紹興十八年指揮四川類省試合格人趕廷試不及第一等賜進士出身餘賜同進士出身優待蜀士恩寵甚渥即不公文舉許附勝武舉不許附勝況今舉左選正奏亦有三五人趕試不及皆蒙注授西歸獨炎即未蒙放行頓失進望無復歸鄉之計詔李炎即特與放行推恩既而本部言文舉不同在法舉人已奏各處而有裁許次舉就試本部即未嘗準四川武舉正奏各處御試不及推恩條例乞指揮施行詔李炎即十五年九月十四日臣僚言竊惟開設科目羅致英俊貴而三事亦由此進可謂重矣至如武舉素多代名之弊如今次比試有試卷與引試弓馬

日書簿字跡絕不類者年甲不同者已申省部不令就  
解試訖今後更加關防兵部引試弓馬之際欲令五姓  
五名先當試廳親書情願結保如有一名偽冒保內同  
罰然後引試弓馬將來武舉省試亦令一體施行乞下  
禮兵部常切遵用毋為具文少戢吏姦誠為士子之幸  
從之 十六年四月十九日上御集英殿策試武舉進  
士策題見二十三日試門上御懋殿閱武舉射射 十七年  
五月二十五日詔保義郎差充侍衛馬軍行司同準備  
將陳宗臣特降一官擬承節郎差充侍衛步軍司同準  
備將陳姓追毀冒授付身特殿三舉以臨安府言陳姓  
識各習武舉嘉定九年宗臣作本貫臨安府取中此試  
赴解試下不領次年赴補馬比試三代戶員今陳文偉

貴興陳姓得錄二十  
 二貴文嘉定十年陳  
 姓隱下本貫  
 溫州及三代安作陳  
 宗臣姓名戶貫三代  
 入中書當嘉定十二年  
 姓今赴補恩致重疊  
 職並在中表定十三  
 年遇省赴殿試內舍  
 職見在任陳姓在學  
 累試補進士  
 教免解嘉定十六年  
 遇有赴殿試賜武舉  
 職被謬伯恭得和因  
 依經部有陳所制府  
 紀故有是命以  
 上寧宗會要

宋會要 宗室應舉

紹興三十二年六月十三日壽皇聖帝登極赦書宗室  
曾經鎖試兩次得解人許赴將來殿試曾經鎖應人許  
赴將來省試一次 同日登極赦書宗室實請文解之  
人並與推恩宗室無官人依建炎元年五月十一日赦與  
量試推恩 八月十三日禮部言宗子無官人該登實

位赦量試推恩省詳並依國子監公試附試例別場引  
試願試經義量試本經義二道試詩賦各一首試論人  
論一首作一場引餘並依建炎二年二月之制合格人  
從本院具姓名中朝廷推恩從之 二十六日禮部言  
無官宗子依赦量試推恩之人若不立定年甲例皆陳  
乞竊恐太濫欲自今降赦文以前凡無官宗子見年二  
十五歲以上方與量試其行在無官宗子經大宗正司  
在外經宗正司即去宗正司遠經所在州軍陳乞各勘  
會年甲無違礙給據赴部下大宗正司勘會取試從之  
十一月十九日禮部言宗子量試止一場難以比附  
取應條格補官將合格第之人補承節即餘合格人並

補承信郎如不合格自不在推恩之限取應宗子到省  
試下若年及二十五歲欲乞比附宗子實請文解之人  
免量試並補承信郎其合陳乞今已立定期日或以赴  
不及為辭並不在推恩之數所貴不致冒濫從之 十

二月二十九日大宗正司言無官宗子依赦量試推恩  
在外宗子並召見任文武臣宗室姜保緣在外宗子亦  
有未曾召保先結文據已赴行在之人引試日逼若候  
取會慮使徒費徃還相度如年果及於引試前齋所詣  
州軍赴量試公據乞看詳先次引試以俟審無增年詐  
冒即與放行推恩即有虛偽自依所獲旨治罪從之  
壽皇聖帝隆興元年正月十三日詔宗子進士趙不攸

等五人並補將仕郎登極恩無官宗室曾請兩舉並免省赴廷試不復等止一請解先有旨并取應得解人並補承信郎不復等訴乞比附兩舉人推恩故有是命

二月十一日禮部貢院言宗子量試終場七百餘人約三分文理稍通餘程文皆不答所問或全寫他文者若止取文理稍通并答无題為合格僅可取三分以上雖文理稍通偶爾雜犯亦多有之詔取放文理合格人合格雜犯於榜後仍展二年出官三月十七日詔量試不中宗子年四十以上特補承信郎展三年出官餘人許將來省試年再量試一次四月十三日上御射殿引見宗子彥瑗特賜同進士出身以取應省試第



一人推恩也第二第三人補保義郎餘四十人承節郎  
七人承信郎舊制取舉第一人許赴廷試以是舉不臨  
軒策士故彥瑗有是命

乾道二年正月五日大宗正  
司言有旨量試不中宗子年不及四十之人許將來省  
試年再試昨偶服制或疾病赴不及亦並令前期陳乞  
如在遠州軍未曾召保先給據到行在之人難以伺候  
取會欲倣舊旨施行從之 二月十七日禮部貢院言  
量試不中宗子許今來再試考校合格彥椿等二百十  
有六人合格雜犯彥選等五人詔趙彥椿補承節郎餘  
並補承信郎趙彥選等五人展二年出官 軍臣洪造等  
奏前舉試者七百餘人榜首補承節郎今試人數不多

然為榜首者乃前舉丁憂今方就試即非已黜再試之人上曰前舉未試可依例補官迨等又言前舉黜落人續降指揮年四十亦推恩承信郎仍展二年到部今舉取聖裁上曰前此一時指揮今豈得援例

四月二十

五日上御集英殿唱名取應宗子師份以下三人特補保義郎汝舟以下三十六人特補承節郎十一月二十六日禮部言無官宗子趙巖夫南夫善欽於紹興三十二年請成都府路轉運司取應文解未曾到省乞依赦文推恩年六十以上慮赴試假名傳義冒濫不實今措置無官宗子赦前取應合格未曾到省之人依已赴省試下赦前委年及二十五歲方與補官從之五年

正月十二日量試宗子彥輔致夫諤京等言昨該軍恩  
量試不中准指揮許再一試以憂制未赴竊見五州該  
恩士人今已還試乞許還赴量試施行禮部勘會更許  
附今舉一試後舉再有倣此之人下諸州軍無得保明  
申發本部亦有不受詞從之 二十六日禮部貢院言引  
試有官鎖應宗子七十三人一名春秋一名詩無官應  
舉宗子五十五人一名周禮一名禮記一名易各係孤  
經欲依公精考如文優合格前期具真草卷尚書省取  
裁即不合格徑從本院黜落後更有無官取應孤經之  
人乞依此施行從之 三月七日禮部言量試宗子經  
隔兩舉止有八人即無黜落第一名難依前旨補承節

郎欲將今舉合格公侯伯連伯康陞之彥輔致夫師邇  
彥楫八人並補承信郎從之 二十一日上御集英殿  
唱名取應宗子善寬以下三人特補保義郎彥侃以下  
三十五人並特補承節郎 七年正月二十五日勅賜  
進士出身成忠郎趙師愷言登極赦書宗室曾經鎖試  
兩得解許赴殿試臣幸預兩請文解附本待問榜準勅  
賜進士出身伏見祖宗以來格法應宗室武臣因應舉  
換授並於元官上先轉兩官然後改換文質於去年陳  
乞改換吏部謂臣已用恩例免省不許又行轉官竊詳  
同榜免省宗子趙善洙等二十餘人與臣事體實同已  
皆用恩赦轉官換授伏望與臣於見官上轉兩官換授

效士

施行詔特與轉官上換授文資 八年四月二日上御  
集英殿唱名取應宗子知夫以下三人特補保義郎公  
茂以下三十八人特補承節郎 五月六日權尚書吏  
部侍郎韓元吉言應舉宗子趙師烜乾道八年四月黃  
定榜勅賜進士及第第一甲十六名依條合注教授昨  
經吏部自言緣有紹興三十二年七月之制不許竊詳  
殿試第一甲依格合注教官即與其他宗室有出身事  
體合稍優別乞以宗室及第一甲應格之人許集注教  
官差遣餘不許除注從之紹興三十二年七月初二日  
不行以上乾道會要 前三書無此門 效士 光堯皇帝紹  
興二年六月二日詔進士陳獻遘事利便內有可採及

有自河北京東遠赴行在之人理宜優恤並收充效士  
每月各支錢一十貫米一石令樞密院檢詳官置籍總  
籍以便差使 六年十二月十八日詔應令行在所及  
行宮樞密院都督府效士並令附來年春選人類試所  
就試時務策一道分優平兩等考校具合格姓名申  
書省其試中優等人再令學士院召試以時務文理優  
異者取旨推恩 七年五月二十三日行宮吏部言類  
試所考校到效士合格人陳壽昌等在優平等計一十  
人不合格人計四十三人詔試中優等人依已降指揮  
平等人與免將來文解一次如已係免解人與永免文  
解已係永免人即此比附優等推恩不預等人令吏部

支賜束帛各從其便 十年七月二十九日詔前東京  
留守司效士夏穎達孫定張漢呂弼文 李光朝並與  
免文解一次差克諸州效士 目東京脫身來歸故也  
八月十一日詔前東京留守司效士林雲與免文解一  
次差克江州效士 目東京脫身來歸故也 以上中興  
會要 餘無此門